

Ийдул-Фитр муборак, Рамазон ҳайитингиз муборак!



06:30 / 30.03.2025 1129

Аллоҳ таолонинг тавфиқи билан муборак Рамазон ойини кундузлари рўзадор, кечалари хатми Қуръонларда қоим бўлиб ўтказдик. Шундай улуғ ибодатларни осон қилгани, завқу шавқ бергани учун Аллоҳ таолога беадад ҳамду санолар бўлсин!

Умнатларига чексиз муҳаббат ва шафқат кўрсатиб, рўза тутишни барча сир-асрорлари билан ўргатиб кетган ҳабиб Пайғамбаримиз Муҳаммад Мустафо соллаллоҳу алайҳи васалламга салавоту саломлар бўлсин!

Барчамиз беҳад хурсандчилик билан динимиздаги катта байрамлардан бири – Ийдул-Фитр байрамини кутиб оляпмиз.

Бугунги файзли, тароватли кунларда барча юртдошларимизни, бутун дунё мусулмонларини Рамазон ҳайити билан самимий муборакбод этамиз.

Аллоҳ таоло азиз юртимизни ҳамиша офиятда сақласин, халқимизга тинчлик-осойишталик, хонадонларимизда файз-барака ато этсин, эзгу ишларимизда Ўзи мададкор бўлсин!

Рамазон ҳайитингиз муборак бўлсин, азизлар!